

REGIONAL NEWS UNIT
ALL INDIA RADIO, AGARTALA
Date: 23-05-2024
Time: 07.35-07.40 AM Hrs
BENGALI MORNING BULLETIN

BUDDHA PURNIMA-1 :

আজ বুদ্ধ ধর্মের প্রবর্তিত শান্তি, মৈত্রী ও অহিংসার প্রতিক
ভগবান গৌতম বুদ্ধের ২৫৬৮ তম আবির্ভাব জয়ন্তী । এই
তিথিতে তিনি বুদ্ধত্ব প্রাপ্ত হন এবং তাঁর মহাপরিনির্বাণ লাভ হয়
। বুদ্ধ জয়ন্তী উপলক্ষ্যে মূল অনুষ্ঠানটি হচ্ছে আগরতলার
বেনুবন বিহার বুদ্ধ মন্দিরে । এখানে আজ ভোরে বুদ্ধ পূজা
অনুষ্ঠিত হয় । বুদ্ধ পূর্ণিমা উপলক্ষে বৌদ্ধ সন্ন্যাসীদের
অংশগ্রহণে পদযাত্রা অনুষ্ঠিত হয় । বিশ্বশান্তির জন্য প্রার্থনা করা
হয় । বুদ্ধ মন্দিরে বিশ্ব বৌদ্ধ পতাকা উত্তোলন করা হয় । বৌদ্ধ
ধর্ম নিয়ে আলোচনাচক্রেরও আয়োজন করা হয়েছে । বিকেলে
আলোচনাচক্রের প্রধান অতিথি হিসেবে উপস্থিত থাকবেন
রাজ্যপাল ইন্দ্রসেনা রেড্ডি নাল্লু । বুদ্ধ জয়ন্তী উঅলোক্ষে বেনুবন
বিহার প্রাঙ্গনে মেলারও আয়োজন করা হয়েছে ।

Buddha Purnima-2 :

বুদ্ধ পূর্ণিমা উপলক্ষে রাজ্যপাল ইন্দ্রসেনা রেডি নাল্লু রাজ্যবাসীকে শুভেচ্ছা ও অভিনন্দন জানিয়েছেন। শুভেচ্ছাবার্তায় রাজ্যপাল বলেন, বুদ্ধের প্রচারিত শান্তি, সম্প্রীতি ও অহিংসার বার্তা আজকের পৃথিবীতেও খুবই প্রাসঙ্গিক। ত্রিপুরা উপজাতি এলাকা স্বশাসিত জেলা পরিষদের চেয়ারম্যান জগদীশ দেববর্মা বৌদ্ধ পূর্ণিমা উপলক্ষে রাজ্যবাসীর প্রতি আন্তরিক শুভেচ্ছা জানান।

Election, 7th phase :

অষ্টাদশ লোকসভা নির্বাচনের সপ্তম পর্যায়ে আটটি রাজ্য ও কেন্দ্রশাসিত অঞ্চল থেকে মোট ৯০৪ জন প্রার্থী নির্বাচনে প্রতিদ্বন্দ্বিতা করবেন। নির্বাচন কমিশন জানিয়েছে, পয়লা জুন ৫৭টি সংসদীয় আসনে অনুষ্ঠেয় ভোটের জন্য মোট ২ হাজার ১০৫টি মনোনয়নপত্র দাখিল করা হয়েছে। মনোনয়নপত্রগুলি পরীক্ষা করার পর ৯৫৪টি মনোনয়ন বৈধ বলে বিবেচিত হয়েছে। পাঞ্জাবে সর্বাধিক সংখ্যক মনোনয়ন জমা পড়েছে। সেখানে ৫৯৮ জন প্রার্থী ১৩টি সংসদীয় আসনের জন্য মনোনয়ন জমা দিয়েছেন। এর পরেই উত্তরপ্রদেশে ১৩টি সংসদীয় আসনের জন্য ৪৯৫টি মনোনয়নপত্র জমা পড়েছে। নির্বাচনের এই শেষ পর্বে উত্তরপ্রদেশ ও পাঞ্জাবের তেরোটি করে, পশ্চিমবঙ্গের নয়টি, বিহারের আটটি, ওড়িশার ছয়টি, হিমাচল প্রদেশের চারটি,

ঝাড়খণ্ডের তিনটি ংবং কেন্দ্রশাসিত চণ্ডীগড়ের ংকটি ংসনে
নির্বাচনে হবে। সব পর্যায়ের ভোট গণনা হবে চৌঠা জুন।

Election Campaign :

ংষ্টাদশ লোকসভা নির্বাচনের বাকি দুটি পর্যায়ের জন্য প্রচার ংখন তুচ্ছে। কংগ্রেস নেতা রাহুল গান্ধি গতকাল হরিয়ানার মহেন্দ্রগড়-ভিওয়ানি সংসদীয় ক্ষেত্রের চরখি দাদরিতে ংক নির্বাচনী জনসভায় ভাষণ দেন।

ংদিকে, ভিওয়ানিতে বিজেপি'র বরিষ্ঠ নেতা প্রতিরক্ষা মন্ত্রী রাজনাথ সিং ংক নির্বাচনী রেলিতে রাহুল গান্ধীর সমালোচনা করেন। তিনি ংবসরপ্রাপ্ত সৈনিকদের বিষয়ে পদক্ষেপ গ্রহণে কংগ্রেসের সমালোচনা করে বলেন, বিজেপি সরকার তাদের কল্যাণে কাজ করেছে।

BJP নেতা মুখ্যমন্ত্রী ংধ্যাপক ড: মানিক সাহা গতকাল কোলকাতা যাদবপুর লোকসভা ংসনে BJP প্রার্থী ড: ংনির্বাচন গানগুলির সমর্থনে রোড শো-য়ে ংংশ নেন ।

TBSE :

ত্রিপুরা মধ্যশিক্ষা পর্ষদ পরিচালিত এবছরের উচ্চতর মাধ্যমিক, মাধ্যমিক, মাদ্রাসা ফাজিল এবং মাদ্রাসা আলিম পরীক্ষার ফলাফল আগামীকাল প্রকাশ করা হবে। ঐদিন বেলা ১২টায় পর্ষদের মিলনায়তনে এক সাংবাদিক সম্মেলনে পর্ষদ সভাপতি ধনঞ্জয়গণ চৌধুরী ফলাফল প্রকাশ করবেন। গতকাল মধ্যশিক্ষা পর্ষদের থেকে এক বিবৃতিতে পর্ষদ সচিব ড: দুলাল দে এই খবর জানিয়েছেন।

Update Akashvani :

শ্রোতাবন্ধুরা, আকাশবাণীর সংবাদ সহ বিবিধ খবরের বিস্তৃত আপডেট পেতে লগ ইন করুন - ডব্লিউ, ডব্লিউ, ডব্লিউ ডট, নিউজ অন এআইআর ডট কম এবং নিউজ অন এআইআর অ্যাপ, এবং টুইটার অর্থাৎ এক্স প্ল্যাটফর্মে। আপডেট পেতে দেখুন আকাশবাণী নিউজ আগরতলা / ফেসবুকে এআইআর নিউজ আগরতলা এবং ইউ টিউবে এআইআর নিউজ আগরতলা।

Governor :

রাজ্যপাল ইন্দ্রসেনা রেডিও নাগ্নু গতকাল উজ্জয়ন্ত প্রাসাদে সরকারী মিউজিয়াম পরিদর্শন করেন। সেখানে আন্তর্জাতিক যাদুঘর দিবস উপলক্ষ্যে আয়োজিত এক সেমিনারে অংশ গ্রহণ করেন তিনি। পরে সন্ধ্যায় সেখানে আলো ও ধ্বনি প্রদর্শনী উপভোগ করেন।

Visitor at State Museum :

অনুষ্ঠানে পর্যটন দপ্তরের অধিকর্তা তপন দাস জানান, গত ২০২৩-২৪ অর্থবছরে উজ্জয়ন্ত প্রাসাদ যাদুঘরে ২ লক্ষ ৬৫ হাজার ৩৪৩ জন পর্যটক ঘুরে দেখেছেন। এরমধ্যে ১২ হাজার ৭৩৯ জন বিদেশি নাগরিক। তিনি বলেন, গত অর্থ বছরে ২ লক্ষ ৫২ হাজার ৬০৪ জন ভারতীয় পর্যটক উজ্জয়ন্ত প্রাসাদে রাজ্য যাদুঘর পরিদর্শন করেছেন। ২০১৩ সালের ২৬সেপ্টেম্বর উজ্জয়ন্ত প্রাসাদ রাজ্য যাদুঘরে পরিনত করা হয়।

CPIM demand :

CPIM -এর উদ্যোগে গতকাল কাজ ও খাদ্যের দাবিতে লেম্বুছড়ায় মিছিল ও সভার আয়োজন করা হয় । সভায় ভাষণে এলাকার বিধায়ক তথা সিপিআইএম নেতা নয়ন সরকার মানুষের জন্য খাদ্যের ব্যবস্থা, পানীয় জলের ব্যবস্থার দাবি, বেকারদের কর্মসংস্থানের দাবি জানান । সভায় ভাষণ দেন টিওয়াইএফআই এর রাজ্য সম্পাদক কুমুদ দেববর্মা এবং সিপিআইএম নেতা দিলীপ দাস।

INTER SCHOOL CRICKET :

সদরের আন্তঃ স্কুল ক্রিকেট প্রতিযোগিতার শেষ দুটি কোয়ার্টার ফাইনাল আজ অনুষ্ঠিত হবে। এতে নরসিংগড়ের পঞ্চায়েত মাঠে ভবনস্ ত্রিপুরা বিদ্যামন্দির খেলবে হিন্দি স্কুলের বিরুদ্ধে এবং তালতলা মাঠে বিদ্রোহী কবি নজরুল বিদ্যাভবন খেলবে উমাকান্ত ইংলিশ মিডিয়াম স্কুলের বিরুদ্ধে। বৃষ্টির কারণে এই দুটি খেলা গতকাল বাতিল হয়েছিল। গতকাল অপর দুটি কোয়ার্টার ফাইনালে জয় ছিনিয়ে সেমিফাইনালে উঠেছে হলিক্রস স্কুল ও প্রগতি বিদ্যাভবন।

CRICKET :

ঘরোয়া প্রথম ডিভিশন লিগ ক্রিকেট প্রতিযোগিতায় কসমোপলিটান ক্লাব রানার্স হয়েছে। টিসিএ থেকে এই আসরের সেরা চারটি দলের তালিকা প্রকাশ করা হয়। আসরে আগেই চ্যাম্পিয়ন হয়ে আগামী মরশুমে সুপার ডিভিশনে খেলার ছাড়পত্র পেয়েছে হার্ভে ক্লাব। তৃতীয় ও চতুর্থ স্থান পায় পোলস্টার ক্লাব ও চলমান সংঘ। সেরা এই চারটি দলকে নিয়ে প্রথম ডিভিশনের সুপার ফোরের আসর আগামী ২৫ মে থেকে শুরু হবে।

Weather :

আজ দুপুর পর্যন্ত আবহাওয়ার পূর্বাভাসে জানানো হয়েছে, আকাশ আংশিক মেঘাচ্ছন্ন থাকবে। বজ্র বিদ্যুত সহ হালকা থেকে মাঝারি ধরনের বৃষ্টিপাত হতে পারে । আগরতলায় আজ ভোরে সর্বনিম্ন তাপমাত্রা ছিল ২৭.৪ ডিগ্রি সেলসিয়াস । দিনের সর্বোচ্চ তাপমাত্রা থাকবে ৩৫ ডিগ্রির কাছাকাছি। বৃষ্টি হয়নি ।
